

Tutu ñaovi ti'ví taPablo kua'an ña nda'a taTimoteo

TaPablo ti'ví ra to'on yó'o ña chindeé ra taTimoteo

¹ Yi'i, taPablo, ñii taapóstol ta kisa chiño ñoo Jesucristo kúu i, chi saá kóni Ndios. Ta Ndios ti'ví ra yi'i ña ka'an ndoso i to'on ra ñoo ñivi. Ta ka'an i xí'in ñivi ndí Ndios táxi ra ña kutaku na xí'in ra ndi'i saá kivi, tá ndino'o ini na kándixa na Jesucristo. ² Taa i tutu yó'o ña xaa ña nda'a yó'o, taTimoteo. Ta yó'o, ndatán yóo sa'ya i ta kí'vi ní ini i xíni i, saá yóo ún ñoo i. Ta vitin kóni i ndí Yivá yó Ndios xí'in Jesucristo ta xá'nda chiño ñoo yó, ná kundá'ví ini ra koni ra yó'o, ná ke'é ra ñava'a ní xí'in ún, ta ná taxi ra ña koo va'a ini ún.

TaPablo táxi ra ña táxa'vi ña'a nda'a Ndios xa'a taTimoteo

³ Ndi'i saá kivi ndúkú i ñava'a xa'a ún ñoo Ndios, ta ka'an i táxi i ña táxa'vi ña'a nda'a ra xa'a ún. Ta ñii ki'va ndatán kuiya xina'á kisa to'ó naxii xitan i Ndios, saá ndino'o ini i kisa to'ó i Ndios vitin. ⁴ Náká'án i vitin ndasaá xaku ní ún xa'a i kivi ñindayi tá'an yó, ta xa'a ñayó'o kóni ní i koto i yó'o vitin ña kuchiño kusii ní ka ini i. ⁵ Chi ndixa xini i ña ndino'o ní ini ún kándixa ún Jesucristo. Si'na xitan ún ñaLoida kándixa, ta saá kándixa si'í ún ñaEunice, ta vitin kúnda ini i ña ñii ki'va saá kándixa va'a mi'í ún Jesucristo.

On vá'a kuka'an ñoo yó

xa'a to'on ñava'a ña ka'an xa'a Jesucristo

⁶ Xa'a ñayó'o ndúkú i ñoo ún ña on sandakoo ún koni ñó'o ún ndee va'a ña saní'li Níma Ndios yó'o kivi chinóo i nda'a i siní ún, chi ndee va'a naki'in ún, ndatán yóo ño'o

xíxi, saá yóo ña, ta xíni ñó'ó kundaa va'a ún ña, ña on nda'va ña. ⁷ Chi Níma Ndios ña taxi ra koo xí'in yó, on sivi níma ña ké'é ña nduu yó nivi na yí'vi ini kúu ña, ta Níma ña taxi Ndios koo ña ini mii yó chíndeé ña nduu yó nivi na ndakú ini. Ta Níma Ndios táxi ña ndee, ña kuchiño yó kuki'vi ini yó koni tá'an yó, ta kuchiño yó nasita xí'in mii yó noo ña on vá'a. ⁸ Xa'a ñayó'o, on kuka'an noo ún ndakuiin ún ka'an ún to'on ñava'a xa'a Jesucristo, ta ni on kuka'an noo ún xa'a yi'i, ta ta nákaa ini ve'e ka xa'a Jesucristo. Tá mii ka, koo ti'va ún xí'in ndee ña nátaxi Ndios nda'a ún, ña kuchiño ún xo'vi ún, ñii ki'va ndatán xó'vi yi'i xa'a to'on Jesucristo. ⁹ Ndios sakaaku ra mii yó ta nakana ra mii yó ña kuu yó nivi na kutaku ndii noo ra, ndatán kóni ra. Ta on sivi xa'a chiño va'a ña ke'é yó kúu ña ke'é Ndios ñava'a yó'o xí'in yó, ta xa'a ña chitóni mii Ndios xí'in ña ká'no ini ra, ta xa'a ñava'a kisa ndivi Jesucristo xa'a yó, Ndios sakaaku ra yó ta nakana ra yó ña kúu yó nivi na ndikon yichi ra. Saá chitóni Ndios kivi ta'an ka kixá'a koo kivi noo ñoyívi yó'o. ¹⁰ Ta vitin Ndios xa saná'a ra mii yó ndí ta ká'no ní ini kúu ra, chi ti'vi ra Jesucristo kixaa ra ñoyívi yó'o, ta tayó'o sandi'i ra xa'a ndee ña xá'ni nivi. Ta xí'in to'on ñava'a ña ká'an xa'a Jesucristo ndasaá sakaaku ra nivi, Ndios saná'a kaxín ra mii yó ndasaá kuchiño kutaku yó xí'in ra ndi'i saá kivi ña vaxi.

¹¹ Ndios sakuiso chiño ra yi'i ña ka'an ndoso i to'on ñava'a yó'o xa'a Jesucristo, ta sakuiso chiño ra yi'i kúu i taapóstol xa'a ña saná'a i nivi na on vása kúu najudío. ¹² Xa'a ña kisa ndivi i chiño yó'o ña sakuiso chiño ra yi'i, vitin xó'vi i ndi'i tondó'ó yó'o. Ta saá ni, on vása kúka'an noo i xa'a ndi'i ña xó'vi i, chi xíni kaxín i yu kúu ta ta kándixa i, ta ndixa ndaa ini i ndí kómí ra ndee ña kundaa va'a ra to'on ra ña taxi ra nda'a i, ta saá nivi na kándixa ra ka'an ndoso na to'on ra anda kixaa kivi ña ndikó Jesucristo

ñoyívi yó'o.

¹³ Ta xíní ñó'ó ún kundikon va'a ún yichi ña ndaa ña kúu ña saná'a i yó'ó. Ta on sandakoo ún ña kandixa ún Ndios, ta ni on sandakoo ún kuki'vi ini ún koni ún natá'an yó, saá chi ndee ña kutaku yó saá kúu ñava'a saní'i Jesucristo mji yó xa'a ña kándixa yó ra. ¹⁴ Ta xí'in ndee Níma Ndios ña yóo ini mji yó, xíní ñó'ó kundaa va'a ún to'on ña ndaa ña sakuiso chiño Ndios yó'ó xa'a ña va'a ndato'on ún ña xí'in nivi.

¹⁵ Xa xíní ún taFigelo xí'in taHermógenes xí'in kua'a ní nivi na kándixa Jesucristo na ndóo kua'a ñoo noo ño'o Asia, xa sandakoo na yi'i, ta nda lo'o on xjin na koni ka na yi'i. ¹⁶ Ta taOnesiforo, on vása ní-ke'é ra saá, chi kua'a ní yichi ndasa va'a ra ini i. Xa'a ñava'a ke'é taOnesiforo xí'in i, ndúkú i noo Ndios ña kundá'ví ini ra koni ra tayó'o xí'in nave'e ra. Saá chi tayó'o on vása ní-kuka'an noo ra xa'a yi'i, vará xini ra yi'i yóo i nó'ni i xí'in ka ini ve'e ka. ¹⁷ Nda víka, kivi kixaa taOnesiforo ñoo Roma yó'o, ta nandukú ní ra yi'i anda naní'i ra yi'i. ¹⁸ Ta saá, kivi tondaa ña kasa nani Ndios kuachi ndi'i nivi ñoyívi yó'o, ndátí i ná kundá'ví ini Ndios koni ra taOnesiforo. Ta mji ún, taTimoteo, xíní va'a ún xa'a ndi'i ñava'a ke'é ra ña chindeé ra mji yó kivi nixiyo yó ñoo Éfeso.

2

To'on yó'o ká'an ndi'i nivi na kándixa Jesucristo xíní ñó'ó kundee va'a na noo ña xo'vi na xa'a ra

¹ Ta yó'ó, tata Timoteo, ndatán yóo sa'ya i saá yóo ún, ta ndúkú i noo ún ña chikaa ún ndee ini mji ún chi xa kómí ún ñava'a ña taxi Jesucristo nda'a ún. ² Xa xini so'o ún to'on ña nika'an ndoso i noo kua'a ní nivi. Ta vitin yó'ó xíní ñó'ó ún nakaxin ún nataa na va'a ndíkon yichi Jesucristo, na kúu na ti'va saná'a nivi. Ta sakuiso chiño ún

nataa yó'o ña saná'a na inka nivi ndatán yóo to'on ña xini so'lo ún nika'an i.

³ Ta yó'ó, tata, ndatán yóo ñii tropa ta on vása yí'vi xo'vi xa'a chiño ña kisa ndivi ra, ñii ki'va saá koo ti'va ún xo'vi ún xa'a Jesucristo. ⁴ Nda ñii tatropa on vása xáni sijní ra xa'a inka chiño, chi ndasaá kuiti táku ra ña kasa ndivi ra chiño ra ña sakusij ra ini ta xá'nda chiño noo ra. ⁵ Ta yóo ñii taa ta kua'an kono xí'in inka na xíno ña koto nivi yu kúu taa ta ndeé ka va'a xíno, ta tayó'o xíni ñó'ó kandixa ra ndayí ña xá'nda chiño ndasaá xíni ñó'ó kono nataa. Tá ñii ta xíno yó'o, on vása kándixa ra ndayí, ta on kuchiño ra naki'in ra ñava'a ña táxi na nda'a taa ta kündeé xaa si'na noo ndi'i na xíno xí'in ra. ⁶ Saá tuku tá yóo ñii taa ta ndeé ní kisa chiño noo ño'o ra, ta tayó'o kómí ra ndayí kuu ra taa ta si'na koni ñó'ó ña sakee ra. ⁷ Va'a kani sijní ún xa'a to'on yó'o, chi Jesucristo chindeé ra yó'ó ña kunda va'a ini ún ndi'i to'on ña ndato'on i xí'in ún.

⁸ Nakál'an ún xa'a Jesucristo, kaku ra tixin ñii ña'a ñasa'ya ñani síkuá tarey David, ta nixi'i ra ta natakú ra. Ñayó'o kúu to'on ñava'a ña ká'an ndoso i noo nivi, ⁹ ta xa'a to'on yó'o xó'vi i vitin, ta ndatán yóo ñii taa ta kómí kuachi ká'no, saá yóo i, chi nó'ni i xí'in kaa. Ta to'on Ndios on sivi ña nó'ni kúu ña, ta kuchiño kuita ní'nó ndíka ña ndi'i saá xiiña noo nivi. ¹⁰ Ta saá kündeé i xó'vi i noo ndi'i tondó'ó, xa'a nivi na nika'in Ndios kandixa na Jesucristo ta sakaku ra na, ta saá kutaku na xí'in ra ndi'i saá kivi ña vaxi noo yóo ñalivi, ña va'a ña yé'e.

¹¹ To'on ña ndixa ndaa kúu ñayó'o:

Tá nixi'i yó xí'in Jesucristo, taa ta nixi'i xa'a kuachi yó, ta saá tuku ndixa kutaku yó xí'in ra.

¹² Tá kündeé yó xí'in ndi'i ña xó'vi yó ñoyívi yó'o, ta saá kivi vaxi ka'nda chiño yó xí'in Jesucristo.

Tá ka'an yó on vása xíní yó ra, ta saá ka'an ra on vása xíní ra mii yó.

¹³ Tá on vása kasa ndivi yó to'on ra, ta saá ni, Jesucristo ndixa kasa ndivi ra to'on mii ra, chi ndixa ndasaá kuiti tãndaã kúu ra, ta ndã lo'o on kuchiño nasama xí'in mii ra, káchí to'on ña ndaa.

TaPablo ndato'on ra xí'in taTimoteo ná chikaã ra ndee ña va'a ní kasa ndivi ra chiño Ndios

¹⁴ Ndi'i saá kivi sanaká'an ún nivi na ndíkon Jesucristo xa'a to'on yó'o. Ta noo Ndios ndato'on ún xí'in na ña on naa na xa'a to'on. Saá chi ña maní kúu ña káni tá'an na xí'in to'on xa'a ña on vása ndáya'ví, ta ña ké'é na saá sátiví ña ini nivi na xíní so'o ñayó'o. ¹⁵ Chikaã ún ndee ña sakusii ún ini Ndios, ta saá kuu ún taa ta ndáya'ví noo ra. Xíní ñó'ó kuu ún taa ta kisa chiño va'a, ña on kuka'an noo ún xa'a ñava'a kisa ndivi ún. Ta xíní ñó'ó kuu ún taa ta ndixa xíní va'a sáná'a to'on ña ndaa. ¹⁶ Kuxiká ún noo to'on ña on vása ndáya'ví, to'on ña ká'an nivi na on vása ndíkon yichi Ndios, chi ñii ñii kivi vaxi kua'no ña on vá'a ké'é nivi na ká'an to'on on vá'a yó'o. ¹⁷ Ta to'on ña sáná'a nivi na on vá'a yó'o, ndatán yóo ñii kue'e tá'yí ña kuee kuee vaxi kua'no, ta sándi'i ña xa'a koñu nivi saá yóo ña. Yó'ó ta yi'i xíní yó taHimeneo xí'in taFileto kúu ovi taa ta sáná'a to'on on vá'a yó'o. ¹⁸ Saá chi nayó'o xa sandakoo na to'on ña ndaa, ta ká'an na sáná'a na ndi xa niya'a kivi ña sanataku Ndios ndi'i nivi. Ta xí'in to'on vatá yó'o xa sátiví na ini sava nivi na kándixa Jesucristo, ña on vása kúndaã ka ini na yu kúu ñandaã. ¹⁹ Ta saá ni, Ndios xa chindú'u ra ñii to'on ra ña ndaa ña kandú'u ndi'i saá kivi ña vaxi, ta on kuchiño nasama ña. Ndatán yóo xa'a ve'e ña xa nixino saá yóo to'on Ndios yó'o. Ta ndatán yóo yuu ña chikaã na xa'a ve'e yó'o, ta ndã ñii nivi on kivi ka tava na ña, saá yóo

to'on ña káchí saá: “Ndios xíní ra yu kúu ñivi na ndixa kúu sa'ya ra.” Ta saá tuku kachí ña saá: “Ndi'i ñivi na ndino'o ini kándixa Jesucristo xíní ñó'ó kuxíká na ñoo ña on vá'a.”

²⁰ Tá yóo ñii ve'e ká'no nakuíká, ta ini ve'e yó'o yóo kuva'a ní ñoo nda'a chiño. Yóo nda'a chiño ña kuva'a xí'in kaa plata, án xí'in kaa oro. Ta xíní ñó'ó nda'a chiño yó'o xa'a ña kasa ndivi yó chiño ná'no ña ndáya'ví ní. Ta saá tuku yóo inká nda'a chiño ña kuva'a xí'in tón yiton, án xí'in ño'o kisín. Ta nda'a chiño yó'o xíní ñó'ó xa'a ña kasa ndivi yó chiño válí ña lo'o ndáya'ví. ²¹ To'on yó'o sáná'a mii yó, chi ndatán yóo nda'a chiño ña kuva'a xí'in oro án xí'in plata ña xíní ñó'ó xa'a chiño ña ndáya'ví ní, saá yóo ndi'i ñivi na chikaa ndee ña ndasa ndii na níma na ta va'a vivíi kutaku na ndatán kóni Ndios. Saá Ndios kúchiño koni ñó'ó ra ñivi yó'o xa'a ña va'a kundivi ndi'i saá ñoo chiño ndáya'ví.

²² Ta mii ún, xíní ñó'ó ún nasita xí'in mii ún ñoo ndi'i ña on vá'a ña kútoo ní nataa kuáchí ñoyívi yó'o. Ta chikaa ún ndee ña kutaku ún xí'in ñandaa, chikaa ún ndee ña xí'in ña ndino'o ini ún kandixa ún Jesucristo, chikaa ún ndee ña kuki'vi ini ún koni ún ñivi, ta chikaa ún ndee ña koo va'a ini ún xí'in ñivi. Ndi'i ñayó'o, chikaa ún ndee ña kasa ndivi ún ñii káchí xí'in nañani yó ta xí'in náki'va yó, na kúu ñivi na ndino'o ini kisa ká'no Ndios. ²³ On chikaa so'o ún to'on ña náa ñivi xa'a ña on ko'o xa'a, ña nda lo'o on vása ndáya'ví, chi xíní ún ndí ña káni tá'an ñivi ta náta'vi tá'an na, vaxi ña ñoo ña náa na. ²⁴ Ta ndi'i mii yó na kúu na xíka chiño ñoo Ndios, on vá'a ñaa yó ta kani tá'an yó xí'in ñivi. Ta nda víka, xíní ñó'ó koo va'a ini yó xí'in ndi'i ñivi. Ta xíní ñó'ó kuu yó ñivi na va'a xíní ndasaá saná'a yó inká ñivi, ta xíní ñó'ó kuu yó ñivi na ká'no ini xí'in ndi'i ñivi. ²⁵ Tá yóo ñivi na kisa toon ñoo to'on ña ndaa, ta mii yó na xíka chiño ñoo Ndios, xí'in ñato'ó ta

xí'in to'on va'a, xíní ñó'ó ka'an yó xí'in nivi na toon ini yó'o ña kuchiño ndasa va'a na yichi na. Ta ndáti yó Ndios taxi ra ña nandikó ini na, ta kundaꞗ ini na ñandaꞗ. ²⁶ Ta saá kuchiño na kaku na ñoo ñanímꞗ ndiva'a ká'no, chi ñandiva'a yó'o xa sꞗkako'on ña na xa'a ña kasa ndivi na ña kóni mji ña.

3

Kivi kixaꞗ yatin ñasondí'í ñoyívi yó'o ke'é nivi ña on vá'a

¹ Va'a ná kundaꞗ ini ún ñayó'o: Kivi ña vaxi tá xa yatin tondaꞗ ñasondí'í ñoyívi yó'o koo kivi ña yo'vi ní xí'in kua'a ní tondó'ó. ² Saá chi nivi na kutaku kivi yó'o kuu na nivi na ndasaá kuiti kuki'vi ini koni xí'in mji, ta kutoo ní na kukomí na kua'a ní si'ún, ta kuu na nivi na ña'a ní ini, ta kasa ká'no xí'in mji na. Nivi na ká'an ña on vá'a xa'a Ndios kuu na, nivi na on vása kasa ndivi to'on ña ká'an yivá si'í xí'in kuu na, nivi na on vása taxi ña táxa'vi ña'á nda'a Ndios án nda'a inkꞗ nivi kuu na, nivi na on vása kasa to'ó Ndios kuu na. ³ Nivi yó'o ndꞗ lo'o on kuki'vi ini na koni na ndꞗ ñii nivi, ni on kua'a na kasa ká'no ini na xa'a nivi. Ka'an na to'on visi xa'a nivi, ta ndꞗ lo'o on nasita xí'in mji na ña ke'é na ndi'i ñoo ña on vá'a. Nivi na yukú ní ini kuu na, ta ndꞗ lo'o on kua'a na koni na ñava'a ña kóni Ndios. ⁴ Nivi na ti'va ní sandá'ví natá'an mji kuu na, nivi na on vása yí'ví ña ke'é na ndi'i ña káchí ini mji na kuu na. Nivi na ña'a ní ini kuu na, ta on vása nandukú na ña sakusij ini Ndios, chi ndasaá kuiti nandukú na ña sakusij ini mji na. ⁵ Nivi yó'o ka'an na ñoo inkꞗ nivi ndí na va'a ní kisa to'ó Ndios kuu na. Ta saá ni, ña on vá'a kélé na saná'a ndí on vása ndíkꞗo ndino'o ini na yichi va'a. Ta mji ún, tata, xíní ñó'ó kuxíká ún ñoo nivi na kélé saá.

⁶ Ta vitin xa yóo nivi na on vá'a yó'o, ta sava nayó'o kuu nataꞗ na kí'vi kua'a ní ve'e inkꞗ nivi, ta sándá'ví na náña'a ná kuu ná naa ini, ná xáni sijní xa kua'a ní kuachi

ndíso. Ta násí'í yó'o ɔn xijin ná nasita xí'in miji ná noo ña káchí ini miji ná. ⁷ Ta ndi'i saá kivi kúsi ini ná xini so'o ná to'on ña xaá ña ká'an nivi na sáná'a, ta ɔn vása chíkaa so'o ná ña kundaa ini ná yu kúu ñandaa. ⁸ Ndatán taJanes xí'in taJambres, nixiyo toon ní ini na noo taMoisés kuiya xina'á, ñii ki'va saá yóo toon ini nataa na sándá'ví náña'a vitin, chi nataa yó'o ɔn vása xijin na kundaa ini na ñandaa. Ta nataa yó'o ndasaá kuiti chútú ña ɔn vá'a sini na, ta ɔn vása ndíkɔn na yichi Jesucristo. ⁹ Ta nataa ɔn vá'a yó'o ɔn kundeé na ke'é na ña ɔn vá'a ndi'i saá kivi, chi inka nivi nakoni na ndí nataa ɔn vá'a yó'o kúu nivi na kí'ví sini. Ñii ki'va ndatán kuiya xina'á nakoni nivi taJanes xí'in taJambres ndí xikuu na nivi na kí'ví sini, saá koo xí'in nivi na ɔn vá'a yó'o.

TaPablo ndátɔ'on ra ta sákuiso chiño ra taTimoteo

¹⁰ Ta yó'ó, taTimoteo, xini va'a ún ndi'i to'on saná'a i, ta xini va'a ún ndasaá táku i, ta xini ún yu kúu ña kóni i ton-daa i kasa ndivi i ñoyívi yó'o, ta xini ún ndasaá kándixa i Jesucristo, ta xini ún ndí va'a ká'no ini i xini nivi, ta xini ún ndasaá va'a kí'vi ini i xini nivi, ta xini ún ndasaá kúndeé i xí'in ña xó'vi i. ¹¹ Ta xini ún kuá'a ní ña ɔn vá'a ke'é nivi xí'in i, chi kisa chiño i noo Jesucristo, ta ndeé ní xó'vi i. Saá tuku xini ún ña nindo'o i ñoo Antioquía, ñoo Iconio xí'in ñoo Listra. Vará ndeé ní saxo'vi na yi'i, ta Jesucristo sakaaku ra yi'i noo ndi'i nayó'o. ¹² Ndixa kúu ñayó'o: Ndi'i nivi na chíkaa ndee ña va'a kutaku na yichi Jesucristo, xo'vi na chi nivi na ɔn xijin koni Jesucristo saxo'vi ña'á na. ¹³ Ta nivi na ɔn vá'a, ta nivi na sándá'ví inka nivi, ñii ñii kivi yá'a nduu na na ɔn vá'a ka, ta ñii ñii kivi vaxi sandá'ví ka na inka nivi, ta ñii ki'va saá inka nivi sandá'ví na nayó'o.

¹⁴ Ta yó'ó, ñii ñii kivi xini ñó'ó kandixa va'a ka ún ña kúu to'on ña ndaa ña xa sakuá'á ún, chi xini ún ndixa ñandaa

kúu ña. Saá chi xínj va'a ún ndí nivi na saná'a yó'ó kúu nivi nanda. ¹⁵ Nda lo'lo ún, tанда kivi vitin xa xínj ún to'on Ndios ña nita na xina'á. To'on Ndios kúchiño saná'a ña yó'ó, ta saá kunda va'a ini ún ndasaá Ndios sáka ra yó'ó xa'a ña kándixa ún Jesucristo. ¹⁶ Ndi'i to'on Ndios ña nita na xina'á, Níma Ndios nika'an ña xí'in níma nivi, ta nita na to'on ra. Ta to'on Ndios yó'lo va'a saná'a ña nivi, nándaxin ña noo na xa'a ñava'a xínj ñó'ó ke'é na, ta to'on Ndios násita ña nivi ña on ke'é ka na ña on vá'a, ta saná'a ña nivi ndasaá xínj ñó'ó va'a kutaku na ndatán kóni Ndios. ¹⁷ Xa'a ñayó'lo ndi'i miji yó na ndíkõn yichi Ndios va'a koo ti'va yó, ta saá ndixa kuchiño kasa ndivi yó ndi'i noo chiño va'a.

4

Xínj ñó'ó ní tqTimoteo ka'an ndoso ka ra to'on Ndios noo nivi

¹ Kivi vaxi nativi Jesucristo ña ka'nda chiño ra noo ndi'i nivi ñoyívi yó'lo, ta kasa nani ra kuachi ndi'i nivi, án na táku kuu na, án na xa nixi'i kuu na. Ta vitin xito Ndios xí'in Jesucristo ña sákuiso chiño i yó'ó ² ña chikaá ún ndee ka'an ndoso ún to'on Ndios ndi'i saá kivi noo nivi. Xínj ñó'ó ke'é ún saá, kivi ña kútoo ní nivi koni so'o na to'on Ndios, án kivi ña on vása kútoo nivi koni so'o na to'on Ndios. Ndato'on ún saná'a ún na ña kunda ini na yu kúu ña on vá'a ke'é na, ta ka'an kaxín ún xí'in na ña sandakoo na ké'é na ña on vá'a. Ta chikaá ún ndee ini nivi xa'a ña kundikõn va'a na yichi Jesucristo. Kivi ka'an ún xí'in nivi yó'lo án saná'a ún na to'on ndaa, ta xínj ñó'ó xí'in ñato'ó ní ini ún ka'an ún xí'in na, ta xí'in ña ká'no ini ún saná'a ún na. ³ Chi kivi vaxi on kua'a ka nivi koni so'o na to'on ndaa, ta ndasaá kuiti kútoo na koni so'o na to'on ña sakusij ini miji na. Ta saá nivi yó'lo ndukú na inká nivi na saná'a na to'on ña kútoo na koni so'o na. ⁴ Ta saá sandakoo na ña

koni so'lo na to'on ña ndaa, ta ndasaá kuiti chikaa so'lo na cuento ña vaxi sini nivi. ⁵ Ta yó'ó, tata, ndi'i saá kivi xini ñó'ó kuu ún taa ta va'a ní xáni sini, ta xini ñó'ó kundedé ún xí'in ndi'i ña xo'vi ún. Ndi'i saá kivi va'a kasa ndivi ún chiño ña ka'an ndoso ún to'on va'a xa'a Jesucristo, ta va'a kasa ndivi ún ndi'i chiño ña ndiso ún.

⁶ Ta yi'i, xa yatin kixaa kivi ña kivi i. Xa nitaxi xí'in mii i noo Ndios, ta ndatán yoo ña sóko i noo ra, saá yoo ña kivi i. ⁷ Xa chikaa i ndee i xa'a ña va'a kundikon i yichi Jesucristo ta xa'a ña kundedé i noo ña on vá'a ñoyívi yó'o. Ta ndatán yoo taa ta xíno ta kundedé ra xaa ra noo xaa na xíno, saá va'a kundedé i. Chi nda ñii kivi on vása ní-sandakoo i kándixa i Jesucristo. ⁸ Ta xini i ndí Ndios kuu taa ta va'a ké'le ñandaa xí'in nivi. Ta ndatán yoo ñava'a táxi na nda'a nivi na kundedé nixaa si'na, saá Ndios ndixa saní'i ra yi'i ñii ñava'a ní, saá chi ndixa kundedé i kisa ndivi i chiño ña sakuiso chiño ra yi'i. Ta on sivi ndasaá kuiti yi'i kuu ta naki'in ñava'a yó'o, ta Ndios saní'i ra ñava'a ndi'i saá nivi na kundedé ndíkon yichi ra, ta xí'in ñasii ini na ndati na kivi ndikó Jesucristo ñoyívi yó'o.

TaPablo ndúkú ra ñava'a noo taTimoteo

⁹ Chikaa ún ndee ña yachi ní kixaa ún koto ún yi'i. ¹⁰ TaDemas sandakoo ra yi'i, chi kí'vi ní ka ini ra xini ra ña yoo ñoyívi yó'o, ta ku'a'an ra ñoo Tesalónica. Ta taCrescente ku'a'an ra ñii xiiña noo ño'o Galacia, ta taTito, ku'a'an ra inká xiiña noo ño'o Dalmacia. ¹¹ Sín mató'ón taLucas yoo xí'in i. Va'a ko'on ún ndukú ún taMarcos ná kixi ra xí'in ún noo i, chi tayó'o kuchiño chindeé ra yi'i xí'in chiño yó'o. ¹² Xa ti'vi i taTíquico ku'a'an ra nda ñoo Éfeso. ¹³ Ta kivi vaxi ún, ta kuni'i ún tikachí i ña sandakoo i ñoo Troas ve'e taCarpo. Ta saá kuni'i ún libro ña ka'vi i, ta

ña xíní ñó'ó ní ká ñoo ì kúu pergamino* kuni'i ún kixi ún nda'a ì.

¹⁴ Ta taAlejandro, ɬaa ɬa kása chiño xí'in kaa, xa ke'é ra ku'a ní ña on vá'a xí'in ì, ta Ndios cha'vi ra tayó'o ndatán yóo ña ke'é ra xí'in ì. ¹⁵ Kundaa xí'in mji ún ñoo taAlejandro yó'o, chi on vása xiin ra koni ra to'on ña ká'an ndoso yóo.

¹⁶ Yichi ñoo kivi ndakuiin ì xa'a ì ñoo nachiño ñoo ká'no yó'o, ta on vása ní-xiyo nda ñii ñivi ña chindeé na yi'ì, ta ndi'i ñivi sandakoo na yi'ì. Ndáti ì Ndios ña on saxo'vi ra nayó'o xa'a ña sandakoo na yi'ì. ¹⁷ Vará on vása ní-xiyo ñivi xí'in ì, ta Ndios ndixa ñixiyo ra xí'in ì, ta taxi ra ndee nda'a ì. Ta kuchiño nika'an ndoso ì to'on xa'a Jesucristo ñoo ndi'i na ndóo ve'e chiño, ta saá ndi'i ñivi na on vása kúu najudío xini so'o na ña nika'an ì. Ta Ndios sakaku ra yi'ì ñoo ña kivi ì, ndatán sakaku ra ñii ɬaa ɬa xa nákaa yu'u tándika'a. ¹⁸ Ta kúndaɬa ini ì ndí ñii kiva saá Ndios sakaku ra yi'ì ñoo ndi'i ña on vá'a, ta kundaa ra yi'ì, ña kuchiño xaá ì ñoyívi ñino ñoo xá'nda chiño ra. ¡Ná kanóo va'a ní ñatq'ó Ndios ndi'i saá kivi ña vaxi! Saá ná koo ña.

To'on sondí'í ñitaa taPablo ku'a'an nda'a taTimoteo

¹⁹ Tí'ví ì to'on ña chindeé ún ñáPrisca xí'in taAquila xí'in nave'e taOnesíforo. ²⁰ TaErasto ñindoo ra ñoo Corinto. Ta kivi kee ì ñoo Mileto, ta taTrófimo ñindoo ra, chi ndeé ní ndó'o ra. ²¹ Chikaa ún ndee ña yachi kixi ún kivi ña ta'an ka kixá'á ña vixin ní. Ta taEubulo, taPudente, taLino, ñáClaudia xí'in ndi'i inká na kándixa Jesucristo ñoo Roma yó'o tí'ví na to'on chindeé na yó'ó.

²² Jesucristo, ɬa xá'nda chiño ñoo yóo, ná koo ra xí'in ún. Ná ke'é Ndios ñava'a xí'in ndi'i ndó. Saá ná koo ña.

* 4:13 Pergamino kúu ñii yichí kití ña xini ñó'ó ñivi kuiya xina'á xa'a ña taa na to'on ña ndáya'ví, ta chití'ví na ña, ña koo va'a ña.

Alacatlalzala Mixtec New Testament
Mixtec, Alacatlalzala: Alacatlalzala Mixtec New Testament (New
Testament+)

copyright © 2019 Wycliffe Bible Translators, Inc.

Language: Mixtec, Alacatlalzala

Contributor: Wycliffe Bible Translators, Inc.

All rights reserved.

2020-11-11

PDF generated using Haiola and XeLaTeX on 14 Jun 2022 from source files dated 13 Jun
2022

a74bfb3f-bd55-5ab9-983e-8d19de48c198